

地理志下 記事

記事

志者史之一體也史以志為緯而志復以史為經舊志世紀一篇援引極博而未免泛而無當茲謹擇志載之無悖於史及史事之切於斯地者循世編次而卽以今昔災祥之事間敘於其間亦史家編年紀月大事必書之義也

商湯十有八祀三月王至東郊論諸侯功罪立禹後與古

聖賢有功者之後封孤竹等國各有差綱鑑

樂亭縣志

卷三地理

記事

伯夷避紂居北海之濱孟子

齊桓公北伐山戎剗令支斬孤竹而南歸國語

漢高帝七年三月庚子封搖母餘為海陽齊信侯漢書功臣表

後漢光武帝建武二十五年遼西烏桓大人郝旦等九百

二十二人率眾向化封其渠帥為侯王君長者八十一

人皆居塞內布於綠邊諸郡後漢書烏桓傳

靈帝中平四年漁陽人張純與同郡張舉舉兵叛寇幽冀

二州眾至十餘萬屯肥如靈帝紀參劉虞傳虞傳註云肥如縣屬遼西郡故城在

今平州

獻帝建安十二年夏曹操擊烏桓秋八月破之斬蹋頓通鑑

魏志武帝紀云征烏桓至無終秋八月大水傍海道不通田疇請為鄉導又田疇傳云時方夏雨水而海濱洿下淤泥不通虜亦遮守蹊要軍不得進太祖患之以問疇疇曰此道夏秋有水淺不通車馬深不載舟船為難久矣舊北平郡治在平岡道出盧龍達於柳城自建武以來陷壞斷絕垂二百載而尚有微徑可從若回軍從盧龍口越白檀之險出空虛之地掩其不備蹋頓可不戰而擒也據此則曹瞞征烏桓時此為路所必經所指海濱卽此無疑

晉武帝太康五年慕容廆入寇遼西殺掠甚眾帝遣幽州

諸軍討之戰於肥如虜眾大敗十六國春秋前燕錄

東晉成帝咸康四年後趙建武四年石虎謀伐昌黎遣渡遼將軍

曹伏將青州之眾渡海戍蹋頓城無水而還因屯於海

島運穀三百萬斛以給之又以船三百艘運穀三十萬

樂亭縣志 卷三地理 記事 二

斛詣高句麗使典農中郎將王典率眾萬餘屯田海濱

後趙錄

咸康六年後趙建武六年虎將討慕容皝具船萬艘自河通海運

穀豆千一百萬斛於樂安城以供軍征之用後趙錄樂安城卽

今縣治十六國春秋有云邵續之弟洎為樂安內史乃欲執臺使王英送於石虎者倘卽樂安城之內史歟

穆帝永和元年後趙建武十一年虎使征東將軍鄧恆將兵數萬

屯樂安治攻具為取燕之計後趙錄

永和六年前燕二年慕容儁使慕容霸將兵二萬自東道出徒

河慕輿干自西道出蠡螭塞儁自中道出盧龍塞三道

並進以伐趙霸軍至三陘鄧恆焚倉庫棄樂安遁去南

部都尉孫泳急入樂安撲滅餘火籍其穀帛霸收樂安

北平兵糧與儁會於臨渠前燕錄魏書海陽縣有

遁遼西諸地  
悉入於燕矣

安帝義熙二年後燕光始六年慕容熙大城肥如以尚書劉木為

鎮南大將軍冀州刺史鎮肥如晉書載記

義熙十二年北燕太平八年初跋別將庫儁官斌降魏既而復叛

來歸太宗遣驍騎將軍延普渡濡水擊斌斬之十六國春秋北

燕錄

北魏太武帝延和元年北燕太興二年夏六月魏世祖來伐秋七

月己未至濡水庚申至遼西己巳至和龍石城太守李

樂亭縣志 卷三地理 記事

三

崇等率眾迎降十二月拜崇幽平二州牧封遼西王北燕

錄是時燕雖未滅然所保者和龍一隅耳遼西肥

如令支等郡縣皆入於魏矣通鑑註燕國自慕容以來

隋高祖開皇六年省肥如入新昌十八年新昌改名盧龍

隋書地理志

唐元宗開元二十八年置馬城縣以通水運唐書地理志

遼太祖天贊二年春正月大元帥耀庫濟克平州獲刺史

趙思溫裨將張崇二月如平州以平州為盧龍軍置節

度使遼史太祖紀自此以後境內地悉入契丹終

矣

聖宗統和四年詔林牙勤德以兵守平州之海岸以備宋

聖宗紀

統和十五年春三月募民耕灤州荒地免其租賦十年聖宗

紀

道宗清甯五年建灤州學

畿輔志

太康元年閏四月丙午振平灤二州饑

道宗紀

金太宗天會元年太祖定燕京時立愛以平州降當時宋

人以海上之盟求燕京及西京地太祖以燕京涿易檀

順景薊與之平州自入契丹別為一軍故弗與而以平

州為南京張毅為留後

毅史作覺

是年三月宋遣使入金議

樂亭縣志

卷三地理

記事

四

復平灤夏六月張毅以平州歸宋冬十月宋建平州為

秦甯軍以張毅為節度使十一月金人襲平州張毅奔

燕山平州人推張敦固為都統以拒守保大四年六月

金人克平州執敦固殺之

金史張覺傳參宋史紀事本末

天會三年秋九月宋兵自海道破金九寨殺馬城縣戍將

節度使盧幹

金史

熙宗皇統四年冬十一月巳酉上獵於海島

金史熙宗紀

世宗大定三年二月庚午上謂宰相曰灤州饑民流散逐

食甚可矜恤移於山西富民贍濟仍於道路計口給食

世宗紀

大定十三年二月罷平灤鹽錢

食貨志金史食貨志云平州副使於馬城縣置局

貯錢解鹽行河東南北路陝西東及南京河南府陝鄭唐鄧嵩汝諸州

大定二十一年三月上初聞薊平灤等州民乏食命有司

散粟糶之貧不能糶者貸之有司以貸貧民恐不能償

止貸有戶籍者上至長春宮聞之更遣人閱實振貸前

所遣官皆論罪

世宗紀

十二月罷平州椿配鹽課

食貨志金史

地理志石城有長春行宮長春淀舊名大定淀大定二十年更在今玉田地元立大定府在今盛京地邑中

義塾舊額曰大定書院殊屬沿譌

衛紹王至甯元年蒙古兵三道南侵以合撒兒等為左軍

循海而東掠平灤諸郡

金史

樂亭縣志

卷三地理

記事

五

宣宗貞祐二年夏四月僑置臨潢府於平州六月蒙古兵

南下追金將招燈必舍及於平灤降之秋八月蒙古兵

攻平州完顏合達以城降權領永安軍事鮮卑仲吉以

灤州降蒙古改興平郡為府

金史明志貞祐甲戌蒙古左軍哈散兒入境焚掠

甚

元憲宗七年蠲平灤路銀鹽酒等稅課八之一

元史食貨志

世祖中統元年陞興平府為平灤路置總管府設錄事司

元史地理志按府志云時西域人塔本世襲行省總管於平州

中統二年命平章政事趙璧左三部尙書怯烈門率蒙古

漢軍駐燕山近郊東至平灤西控關陝修立堡塞守城

世祖紀

中統三年春二月己丑李璫反以漣海三城獻於宋盡殺  
蒙古戍軍辛亥勅元帥阿哈分兵戍平灤海口癸丑詔  
平灤諸路皆籍兵守城冬十月戊寅命不里剌所統固  
安平灤質子軍自益都徙還故地世祖紀

至元二年五月禁平灤等處捕獵世祖紀

至元三年夏四月蠲平灤質子戶賦稅之半世祖紀

至元四年秋八月申嚴平灤路私鹽酒醋之禁世祖紀

至元六年秋九月大雨灤河溢舊志

至元八年春二月發中都真定順天河間平灤民二萬八

樂亭縣志 卷三地理 記事

六

千餘人築宮城世祖紀

至元十三年平灤以水旱缺食振軍民站戶米世祖紀

至元十九年五月庚辰議於平灤州造船發軍民合九千

人世祖紀

至元二十年五月縱平灤造船軍歸耕撥大都見管軍代  
役六月免大都及平灤路今歲絲料秋七月免大都平

灤兩路今歲俸鈔世祖紀

至元二十三年平灤水旱為災免民租世祖紀

至元二十四年夏四月諸王納延反五月詔范文虎將衛  
軍五百鎮平灤六月括平灤路馬秋八月立昌國屯田

署九月以西京平灤路饑禁酒世祖紀灤州四處鹽課舊

納羊一千者亦令如例輸鈔食貨志

至元二十六年秋七月丁亥發至元鈔市馬於平灤八月

丙申平灤昌國等屯田霖雨害稼九月以平灤等路饑

弛河泊之禁十一月平灤昌國屯戶饑振米千六百五

十六石十二月戊寅罷平州望都榛子二驛放其戶為

民世祖紀

至元二十七年夏四月甲申以薦饑免平灤今歲銀俸鈔

五月平灤民萬五千四百六十五戶饑振粟五千石八

月免平灤路流民租賦及酒醋課世祖紀

樂亭縣志

卷三地理記事

七

至元二十八年八月省臣奏姚演言奉勅疏濬灤河漕運

上都乞應付沿河蓋露困工匠什物仍預備來歲所用

漕船五百艘水手一萬牽船夫二萬四千臣等集議近

歲東南荒歉民力凋敝造船調夫其事非輕一時並行

必致重困請先造舟十艘量撥水手試行之如果便續

增益制可其奏先以五十艘行之仍選能人同事河渠志

九月乙卯以歲荒免平灤屯田二十七年田租三萬六

千石有奇十二月平灤路及豐贍濟民二署饑出米萬

五千石振之世祖紀

至元二十九年三月免平灤路今歲公賦八月弛平灤州

酒禁九月以平灤路大水且霜免田租二萬四千四十

一石世祖紀

至元三十年置平灤路軍器人匠局大使副使各一員百官

志冬十月平灤水免田租萬一千九百七十七石世祖紀

成宗大德四年以水患改平灤路為永平路地理志

大德五年秋八月平灤路霖雨灤河溢免其田租仍振粟

成宗紀

大德六年春正月以平灤等路去年被水其軍應赴上都

駐夏者免其調遣一年三月丁酉以旱溢為災詔赦天

下大都平灤被災尤甚免其差稅三年成宗紀

樂亭縣志 卷三地理 記事 八

大德十一年時武宗即位秋七月以永平路為皇妹魯國長公

主分地租賦及土產悉賜之成宗紀

武宗至大三年春三月辛卯發喀喇軍屯田永平官給之

牛武宗紀

至大四年時仁宗即位秋九月丁巳以永平路歲入除經費外

悉賜魯國大長公主武宗紀

英宗至治二年夏五月置營於永平收養蒙古子女遣使

諭四方匿者罪之英宗紀

泰定帝泰定二年三月十三日永平路屯田總管府言國

家經費咸出於民民之所生無過農作本屯闢田收糧



以供內府之用不為不重訪馬城東北五里許張家莊  
龍灣頭在昔有司差夫築隄以防灤水西南連清水河  
至公安橋皆本屯地分去歲霖雨水溢衝盪皆盡浸死  
屯民田苗終歲無收方今農隙若不預修必致為害工  
部移文都水監差濠塞泊本屯官及灤州官親詣相視  
督令有司差夫補築河渠志六月永平屯田豐贍昌國濟  
民等署雨傷稼蠲其租泰定帝紀按舊志云時遼陽道  
之昇廉訪使張昇請發海道糧鈔賑  
邑人

泰定三年春三月永平諸路饑免其田租之半七月振永  
平奉元鈔七萬錠冬十一月弛永平路山澤之禁永平

樂亭縣志

卷三地理 記事

九

路大水免其租仍振糧四月泰定帝紀

泰定四年二月永平路饑振鈔三萬錠糧二月四月免其

租仍振糧兩月十一月蠲永平路賦三年泰定帝紀

致和元年六月永平諸路水泰定帝紀

文宗天歷二年二月永平路告饑振糧五萬石文宗紀

至順元年春正月永平路以去年八月雹災告十二月甲

寅西域軍士居永平灤州豐潤玉田者人給鈔三錠布

二疋糧兩月文宗紀

順帝元統二年春二月永平諸縣水災振鈔五千錠順帝紀

元統四年閏二月永平等路饑振之順帝紀

元統五年三月永平饑振之順帝紀

至正四年秋七月灤河水溢順帝紀深丈餘漂沒禾稼廬舍舊志云平地水

至正二十年秋七月乙未永平路陷順帝紀

至正二十一年春二月甲申同僉樞密院事特哩持穆爾

復永平灤州等處順帝紀

至正二十六年冬十月大水壞民田舊志

明太祖洪武元年秋九月戊申大將軍徐達遣都督同知

孫興祖等徇永平元分省參政崔文耀以州縣來降興

祖留平章俞通源等以元五省八翼兵守之府志

洪武三年詔募水工運萊州洋海倉粟餉永平衛明史食貨志

樂亭縣志 卷三地理 記事

洪武七年蝗夏饑舊志

洪武八年穎川侯傅友德奏通灤河清河故道漕運設新

橋海口千戶所舊志

洪武十年灤河溢舊志

洪武十七年北平留守傅友德復奏通漕運舊志

惠帝建文元年秋七月丙戌靖難兵至永平指揮趙彞千

戶郭亮百戶吳買驢等以城降九月江陰侯吳高都督

耿璈楊文帥遼東兵圍永平燕王自將救之高等退保

山海關時指揮僉事谷祥等哺縣中商家堰下莊楊家

莊兵與戰於團林獲馬匹賞軍士鈔布舊志參府志

建文二年遼東兵下昌黎五月指揮僉事谷祥敗遼東兵

於汀流河舊志

建文三年夏五月遼東兵圍永平指揮吳興旺谷祥敗之

時哨縣中嵩林兒莊高家莊兵與敵對壘凡八十日百

戶陳華陣亡於良兒莊冬十一月燕府論守永平功軍

士普陞一級舊志

建文四年夏五月遼東兵至永平都指揮僉事谷祥引軍

過小河至十八里舖拒卻之論功普陞一級舊志

成祖永樂二年編社屯靖難時縣民為遼軍殘破至是土

民復業江淮遷民亦至始以土民編社遷民編屯社一

樂亭縣志 卷三地理 記事

十一

十有八屯九云舊志

永樂四年修築樂亭魯家套社河口明史河渠志

宣宗宣德四年五月丙辰經理山海至薊州屯田十二月

巳丑蠲永平水災逋租國權

英宗正統六年春三月遣大理寺右少卿李奎撫恤永平

府州縣流移饑民府志按舊縣志作五年春饑遣賑

景帝景泰三年大水灤河徙河舊在城東其城西故道水

可徒涉至是自定流河南下徙由城西舊志按舊志機祥篇內作景泰

元年灤河徙古蹟篇內乾灤河下作六年徙與此互異考明談遷國權云景泰三年八月永平大雨水滄稼賑

之明五行志云景泰六年閏六月順天大水灤河泛溢壞城垣民舍永平水患尤甚據此則灤河之徙自當以

三年六年為是但不知確係何年茲故與古蹟門乾灤河條下兩存其年以俟考

英宗天順元年四月己未免永平去年災租國權

孝宗宏治四年五月蝗舊志

宏治八年夏四月蝗舊志

宏治十三年夏灤州水六月劉家口關暴雨城壞樓傾鐵

葉門流入境舊志

世宗嘉靖二年秋七月地震有聲舊志

嘉靖六年春三月起黑風火飛如斗焚及木杪禽鳥多死

流災海面竟宿乃止此近海燒之說杜光庭錄異記載之矣蓋亦物理不可解者

嘉靖八年夏四月大水雹損稼秋七月大蝗舊志

樂亭縣志 卷三地理 記事

十三

嘉靖九年賑災舊志

嘉靖十五年夏四月蝗六月大水舊志

嘉靖十六年春大饑舊志明志云春大饑死者枕藉知府劉公至縣賑之遣縣丞劉鈇勸富

民粟有官校苗賢素惡拒令公治以罪

嘉靖二十年春正月不雨夏六月秋七月大風霖雨灤河

溢免租三分之一明年發帑賑饑舊志

嘉靖二十四年賑饑舊志

嘉靖二十六年五色雲見初祀名宦鄉賢舊志

嘉靖二十九年秋蒙古寇邊至灤河東岸初設薊遼提督

三十年改薊遼提督為總督舊志

嘉靖三十八年夏五月大水灤河溢舊志

嘉靖四十年春饑舊志

嘉靖四十一年秋蝗入境不為災先是連歲荒歉至是秋

禾將登俄飛蝗至自斃有秋舊志

嘉靖四十二年調民壯充遵鎮兵舊志

嘉靖四十三年歲大有斗米十錢自是以後連年豐稔舊志

穆宗隆慶元年夏霖雨損禾稼秋九月乙巳蒙古土蠻十

萬入沙嶺羅漢洞掠永平撫甯樂亭各縣衛屯社時有

猛呵賴者渡灤河州人獲之舊志按明史穆宗紀云元年九月壬申土蠻犯薊鎮

掠昌黎盧龍至於灤河與志微異又按明史張臣傳隆慶元年土蠻大掠昌黎撫甯樂亭盧龍遊騎至灤河諸

樂亭縣志

卷三地理記事

十三

將莫能戰延綏衛遊擊將軍王臣率所部千人奮前斬之追至棒槌崖斬首百十餘級墜崖死者無算

隆慶三年春三月地震有聲壞民屋東郊劉林莊地裂三

丈餘湧沙水夏四月朔地再震舊志按府志作二年

隆慶六年春二月地震舊志按府志作秋七月

神宗萬曆五年夏六月大雨潦明年饑舊志

萬曆十一年春三月大風霾舊志

萬曆十三年春旱夏五六月大水雹損稼舊志

萬曆十四年民饑出粟賑夏四月大風拔木損稼舊志

萬曆十五年春饑賑夏四月旱六七月雨彌旬大水灤河

溢平地水深丈餘浸城約三尺壞田廬損禾稼舊志按明志云

知縣于永清督民塞城門獲免

萬曆十九年有秋斗米二分有奇舊志

萬曆二十年春正月大風秋七月大風雨鄰河濱海禾稼

渰次年米貴借民預備倉穀減價糶常平倉穀舊志

萬曆二十五年冬饑明志

萬曆二十六年冬大饑明志

萬曆三十二年灤水溢壞城垣傷禾稼舊志

萬曆三十三年冬饑舊志

萬曆三十五年六月大雨舊志

萬曆三十七年三月丁未大風晝晦舊志

樂亭縣志 卷三地理 記事

古

萬曆四十二年自春正月至秋七月不雨大饑舊志

萬曆四十四年春大饑七月蝗落地尺餘食禾稼舊志

萬曆四十六年閏四月甲申風霾蔽日冬蚩尤旗見東方

舊志

光宗泰昌元年九月朔大風晝晦舊志

熹宗天啟元年設海運通判通海運舊志按自此至崇禎末年邑皆通漕

天啟四年地震裂湧黑水時有裂出竹木等異物舊志

莊烈帝崇禎三年春正月甲申

大清兵取永平戊子入灤州知州楊燦死之夏四月詔起

原任按察使兵備道張春為監軍駐樂亭五月復灤州

崇禎十年春饑夏疫民死者眾詔賑之西南鄉新莊何

生員家牛產麟舊志

邑宰陳昌言產麟記云崇禎己卯歲春王正月念九日東溟之南新莊近灤水三里許有牛產麟報余視之通體麟文五色光燦雖死而陸離異常真天上種也夫麟趾騶虞出原非偶何幸於吾身親之哉詢其生之前五日則鄰邨十里五里許時有狼吼產時無之詢其產之時則鄰人望其院內火光起高三丈餘趨視之則牛生積也詢其方產之形則眼圓舌紅眉黃綠麟紅文上齒二下齒四自未至申大叫二聲而絕考麟於物為祥於獸為仁產其境者則境內多福而少禍戊寅季秋邊事起踐蹂二千餘里殘陷五十餘城是處震警且列營於灤開間者三十餘日距邑僅七十里笳吹烽逼日夜嚴守幸安堵無恙愧余非保障才想麟之為靈其瑞固應爾乎其應麟而先見者復多吉事孟春舉鄉飲禮得一耆老趙氏比之授書老已踰兩紀其耳目聰明鬚髮頽

樂亭縣志

卷三地理

記事

古

自上下堦無庸鳩首健若六旬人問其元室則更多雨紀矣余敬而禮之贈以粟帛顏其門曰海東雙瑞又是月邑民趙姓者一產二男一女此非亦一人瑞乎余蒞邑五載杳無一善狀惟精乃心以事神治民於其感應間頗自信焉八年秋七月灤水汎溢幾遍城下余涉水躬祝河干遂安瀾如故釀蟲則蟲化禱雨則雨澍倭艘塞馬皆不入境此或亦感應之徵也乎東溟為古盧龍地而風氣醇厚殊有渾噩遺意余每接其邑之紳衿父老敦龐大雅其里社編氓樸質而簡居常語百姓曰邑有醇風邑之福也今日者吉祥叠見兵火不罹而麟生於埜非風醇而能若是乎前賢程子曰麟無種以氣化朱子曰天地生一瑞物即此物上盡可以見天地純粹之氣旨哉其味之矣其麟藏之關庫余不能為作塚安敢沒其事爰圖其像而記之記畢三歎

崇禎十四年設屯田道駐灤州時設陸軍車兵二營自本

縣銀弁柳起運漕糧至永豐倉舊志

崇禎十五年冬十一月

大清兵入界嶺口息馬汀流河府志

崇禎十七年春三月流賊李自成犯京師詔總兵吳三桂

入援盡撤遼民入關分駐昌黎樂亭灤州開平等處時

本縣駐沙後所兵民數千家舊志

國朝順治元年夏四月攝政王帥師入關秋七月

**世**祖章皇帝入關駐蹕永平城撫安各州縣舊志

順治三年命兵部郝璧來圈民田給旗丁以各衛屯田補

民舊志

順治四年再圈民田人戶投充英裕二王者半舊志

順治七年 詔釋英王投充人戶歸籍為民舊志

樂亭縣志 卷三地理 記事 六

順治十年春旱夏六月雨灤河溢水至城下淹沒田廬冬

饑舊志

順治十一年春大饑男婦逃移者半

詔吏部左侍郎佟佟代大理寺卿郝傑散賑秋七月河溢水

至城下舊志

順治十四年秋河溢水浸城數尺冬饑舊志

順治十五年

詔賑災舊志

康熙六年以任邳縣民地一百三十六頃一十五畝零補

民圈地尋以民不願受補仍歸任邳縣舊志



康熙七年夏六月至秋七月河水凡五溢壞民田園無算

詔賑饑舊志是年灤河西岸指揮莊東岸明福坨俱塌民居數百間水由潰隄西注淹民田稼河西尤酷

康熙十一年春三月丙戌大風晝晦是夕月上有二星冬

十一月土寇劫城駐防把總陳柱國戰死之知縣子于

永禎被執不屈死乃改劉金墩守備移駐城中時知縣

于成龍奉委公出在郡舊志

康熙十二年春旱屢風霾蟲傷稼穀糝秋七月淫雨河溢

浸民田

詔免田租十分之三舊志按是年城東平地水深二三尺

一帶被舊志禍尤甚

樂亭縣志

卷三地理 記事

七

康熙十四年麥穗三歧舊志

康熙十七年酷暑熱傷人畜舊志

康熙十八年秋七月地震舊志

康熙二十四年水災舊志

康熙四十八年六月大水灤河溢城不浸者三板凡三日

乃退浸田廬損禾稼舊志

康熙四十九年秋有年穀一莖有至四五穗者舊志

康熙五十四年

詔免順天永平保定河間宣化五府地丁銀米豆穀草束

舊志

康熙五十五年大饑舊志

雍正三年六月灤河溢損禾稼壞田廬西南鄉尤甚舊志

雍正十一年六月灤河溢損禾稼舊志

乾隆二年六月海潮逆河上沿海禾稼淹舊志

乾隆三年裁山海衛改設臨榆縣撥歸衛地於近縣內撥

歸本縣莊凡一十八地畝凡六十五頃五十八畝五分

零舊志

乾隆十五年夏五月大風雨海潮逆河上沿海田廬禾稼

淹

詔蠲豁地糧賑災舊志

樂亭縣志 卷三地理 記事

六

乾隆十六年夏六月雨灤河溢秋七月大雨灤河復溢

詔賑饑蠲糧緩徵舊志

乾隆十八年夏蝗入境官民撲滅未損禾稼歲大豐舊志按府

志作夏蝗不為災至七月蝻復萌食稼殆盡

乾隆十九年夏六月雨灤河溢

詔賑饑蠲糧緩徵舊志

乾隆二十七年夏雨損稼

乾隆三十五年灤溢損稼

乾隆四十八年灤溢西南鄉大水圯壞民居秋未成災

乾隆五十四年灤溢浸田廬損禾稼河場近岸一二里不

等海南退十餘里

乾隆五十五年大水民間糠粃不給

詔賑災

乾隆五十七年大旱

乾隆五十九年灤水大溢禾稼盡淹沖塌田廬無算

乾隆六十年大風地震

嘉慶元年地震舊鎮莊地裂湧黑水

嘉慶六年灤水溢陷沿河田畝禾稼淹

嘉慶七年饑

嘉慶十一年夏淫雨四十日灤河溢

樂亭縣志

卷三地理

記事

九

嘉慶十二年夏旱立秋後始雨有年

嘉慶十三年夏灤河大溢水灌城四門堵閉田禾盡淹歲

大饑民多流亡

詔賑災

嘉慶十四年灤溢傷稼

嘉慶十六年灤溢傷稼

嘉慶十七年

詔賞貧民米有差

嘉慶十八年灤河溢東徙

嘉慶二十年旱

嘉慶二十二年灤水大發復分流故道浸陷民居淹沒禾稼

嘉慶二十四年灤水溢

嘉慶二十五年秋七月大風拔木

道光元年大疫民多死

道光三年灤河溢

道光四年

詔賑災

道光七年灤河溢

道光十二年夏四月至秋八月瘟疫盛行天札過半蟲食

樂亭縣志

卷三地理

記事

三

禾稼歲饑僅詳請出借籽種

道光十六年正月元日風霾夏灤河溢

道光二十年春大風晝晦夏灤河溢東北鄉田稼多損秋

七月因海氛不靖調樂亭營兵四十三名古北口兵二

百四十名提標兵二百名在清河口臭水溝駐防召募

鄉勇巡稽海口並辦理鄉團互相保衛

道光二十一年調吉林黑龍江官兵四百名在祥雲島湯

家河駐防

道光二十二年夏灤河溢防海兵撤回歸伍於臭水溝添

設把總一員存城汛添設外委二員

道光二十五年夏四月海嘯上溢二十餘里漁舍盡沒六月  
月霖雨連旬屋宇傾圮無算灤河大溢城西舊河復發  
幾出岸沿海禾稼盡淹歲大饑民多乘船流亡關外者  
道光二十六年夏六月霖雨窪田盡潦高田有秋  
道光二十八年夏六月大雨損禾稼詳請緩征免徭役  
道光二十九年夏六月大雨連旬灤河泛溢西南鄉之近  
河者皆聚土築堰以防之郡城不沒者三版境內窪地  
盡沒高田有秋冬舊河仍涸詳請緩征免差徭  
咸豐三年秋九月粵匪至天津

詔令天下普行團練

樂亭縣志

卷三地理

記事

三

咸豐六年秋八月飛蝗自東南入境晚禾災

咸豐七年春三月蝗蝻生夏四月官民撲滅有秋

咸豐九年春調黑龍江官兵五百名在祥雲島老母溝駐  
防明年正月撤回是年自春初過芒種不雨田均未種  
五月十六日大雨穀種爲之踊貴六月十七日又雨七  
月十九日又大雨田禾秀茂穀價頓平秋大有穀斗至  
東錢一千半有畸

咸豐十年春二月僧親王過境履勘縣城飭令於城外挑  
築壕牆分築砲臺以資守禦三月大風雪

咸豐十一年八月土寇蠢動行旅戒嚴擒斬巨匪人情始

安

同治元年春二月二十七日大風晝晦三月連日大風夏  
五月至秋八月瘟疫盛行朝染暮死九月間始息

同治二年秋七月九日疾風迅雷雨雹

同治三年春正月至夏四月多大風間或晝晦秋東北鄉  
穀畝斗餘西南有秋

同治四年春正月元日大霧迷漫滴氣如雨閱六晝夜不  
散月內多沈陰冷暖無常三月二十四日大風揚沙晝  
晦夏六月旱甚溺蟲傷稼七月雨十日豐歉相半是月  
奉天盜起督辦團練

樂亭縣志

卷三地理

記事

三

同治六年自前歲八月至五月多風少雨二麥不登秋七  
月初九日夜子刻灤水大溢城外水深丈餘東北東南  
鄉沿河田廬多淹沒清河溢窪地盡潦西南鄉老河灘  
水深丈餘至五七尺有差所布禾稼浸沒殆盡八九月  
梟匪橫行東北鄉強劫尤甚人情浮動道路戒嚴緝斬  
數名民心始定招募練勇修補土圍

同治十年六七月間大雨傷稼歲饑

同治十二年灤水溢沿海禾稼盡滄邑令詳請開義倉賑  
之

光緒元年旱未成災

光緒二年大旱沿海尤甚薪米價昂

光緒三年大旱禱雨徧城鄉歲仍中稔人染疫多死亡